

**JAVNO PREDUZEĆE „VODOVOD I KANALIZACIJA“ d.o.o.
Z E N I C A
NADZORNI ODBOR**

I Z V J E Š T A J

**o radu Nadzornog odbora Javnog preduzeća „Vodovod i kanalizacija“ d.o.o.
Zenica za 2024. godinu
sa Izvještajem o radu i ocjenom rada direktora Javnog preduzeća
„Vodovod i kanalizacija“ d.o.o. Zenica za 2024. godinu**

Zenica, april 2025. godine

Na osnovu člana 234. tačka d) Zakona o privrednim društvima FBiH („Službene novine Federacije BiH“, broj: 81/15 i 75/21) i člana 22. Statuta JP „ViK“ d.o.o. Zenica („Službene novine Općine Zenica“, broj: 5/06, 3/07, 07/07, 1/12 i „Službene novine Grada Zenica“, broj: 3/15, 6/21, 3/23, 2/24 i 4/25), Nadzorni odbor JP „ViK“ d.o.o. Zenica, Gradonačelniku Grada Zenica, u funkciji Skupštine Javnog preduzeća „ViK“ d.o.o. Zenica, podnosi sljedeći:

I Z V J E Š T A J

O RADU NADZORNOG ODBORA JP „ViK“ D.O.O. ZENICA ZA 2024. GODINU, SA OCJENOM STANJA U PREDUZEĆU I OCJENOM RADA DIREKTORA PREDUZEĆA

A) IZVJEŠTAJ O RADU NADZORNOG ODBORA

Nadzorni odbor JP „ViK“ d.o.o. Zenica se sastoji od 3 člana, koje je imenovala Skupština preduzeća. Aktuelnom sazivu Nadzornog odbora mandat je počeo dana 22.09.2021. godine.

U 2024. godini Nadzorni odbor je djelovao u slijedećem sazivu:

1. Korlat Emir, dipl.ing.met., na osnovu Rješenja Gradonačelnika Grada Zenica, broj: 02-45-19238/21 od 22.09.2021. godine,
2. Arnautović Muamer, dipl.ecc., na osnovu Rješenja Gradonačelnika Grada Zenica, broj: 02-45-19238/21 od 22.09.2021. godine,
3. Biogradlija Jasminka dipl.ing.met., na osnovu Rješenja Gradonačelnika Grada Zenica za privremenog člana Nadzornog odbora JP „ViK“ d.o.o. Zenica, broj:02-45-23432/22 od 15.11.2023. godine (počev od 15.11.2022. – 22.01.2023. godine) i na osnovu Rješenja, broj:02-45-1213/23 od 23.01.2023. godine za člana Nadzornog odbora (počev od 23.01.2023. godine do isteka četverogodišnjeg mandata Nadzornog odbora JP „ViK“ d.o.o. Zenica).

Korlat Emir je izabran za predsjednika Nadzornog odbora JP „ViK“ d.o.o. Zenica na 1. konstituirajućoj sjednici, održanoj dana, 29.09.2021. godine.

Osnivanje, djelokrug rada, prava i odgovornosti Nadzornog odbora, utvrđeni su Zakonom o javnim preduzećima u FBiH, Zakonom o privrednim društvima FBiH, Statutom preduzeća, te Poslovnikom o radu Nadzornog odbora.

Na sjednicama Nadzornog odbora, u skladu sa navedenim aktima, razmatrana su najznačajnija pitanja o radu i poslovanju JP „ViK“ d.o.o. Zenica.

Obavljajući svoju funkciju u skladu sa Zakonom o privrednim društvima, Zakonom o javnim preduzećima i Statutom JP „ViK“ d.o.o. Zenica, Nadzorni odbor je u izvještajnom periodu održao 7 redovnih sjednica, nije održana nijedna vanredna sjednica.

U toku 2024. godine članovi Nadzornog odbora su zajedno sa Upravom preduzeća aktivno učestvovali u rješavanju svih problema koji su se u proteklom periodu našli pred njima, a sve u cilju neometanog vodosnabdjevanja građana Zenice i ostvarivanja što boljeg poslovnog rezultata preduzeća.

Nadzorni odbor je i u 2024. godini, kao i svih prethodnih godina, bio upoznat sa svom problematikom i zadacima koje je preduzeće rješavalo, te je zajedno sa Upravom radio na ostvarivanju pozitivnog finansijskog rezultata, a time i planiranih rezultata poslovanja i investicionih ulaganja.

Planovi poslovanja i izvještaji o poslovanju su rađeni veoma transparentno i predstavljali su solidnu osnovu za kreiranje, usmjeravanje i operacionalizaciju poslovne politike.

Nadzorni odbor je tokom 2024. godine najveću pažnju posvećivao urednom izvršavanju osnovne funkcije preduzeća.

Također, Nadzorni odbor je kontinuirano poduzimao mjere u cilju praćenja i poboljšanja rezultata preduzeća, te je preduzimao potrebne aktivnosti iz svoje nadležnosti za realizaciju istih.

Na svim sjednicama Nadzornog odbora je, u većoj ili manjoj mjeri, razmatrana problematika naplate potraživanja od kupaca za vodu i kanalizaciju i preduzimane su aktivnosti u cilju poboljšanja naplate, na šta su članovi Nadzornog odbora konstantno ukazivali.

Potrošači su se obraćali u velikom broju Nadzornom odboru sa molbama za oslobađanje od plaćanja zakonskih zatezних kamata, te su donošene odluke za otpis zakonskih zatezних kamata, gdje je to bilo u skladu sa zakonom, te gdje su postojali opravdani razlozi. Imajući u vidu da se veliki broj potrošača obratio Nadzornom odboru sa molbama za otpis zakonskih zatezних kamata kao i molbama za zaključenje ugovora za izmirenje duga na rate, Nadzorni odbor je na 25. sjednici donio Odluku o definisanju uslova i postupka za otpis kamata za sve potrošače, koja se primjenjivala počev od 17.07.2024. godine do 31.12.2024. godine.

Nadzorni odbor je na svim sjednicama kroz izvještaje o potpisanim ugovorima, zaključenim u skladu sa Odlukom utvrđivanju povoljnijih uslova za zaključenje ugovora o izmirenju dospjelog duga prema javnim preduzećima („Službene novine FBiH“, br. 3/10,90/14 i 36/16), pratio realizaciju istih, a sve u cilju naplate potraživanja i na kraju pružanja mogućnosti oslobađanja od plaćanja zatezних kamata, onim subjektima koji se pridržavaju ugovorenih obaveza i u skladu s ugovorima pridržavaju ugovorene dinamike plaćanja.

Preduzeće je u 2024. godini redovno izvršavalo sve svoje finansijske obaveze, bilo je likvidno i solventno u svakom trenutku. Ostvaren je ukupan prihod u iznosu od 11.517.394,12KM, rashod u iznosu od 10.716.889,25KM i na kraju godine ostvarilo pozitivan finansijski rezultat, bruto dobit u iznosu od 800.504,87KM, koja kada se umanjí za porez na dobit u iznosu od 58.087,74, daje iznos ostvarene **neto dobiti od 742.417,13KM.**

Na osnovu svega navedenog, Nadzorni odbor ocjenjuje da je upravljanje i rukovođenje JP „ViK“ d.o.o. Zenica u 2024. godini bilo vrlo uspješno.

Svi članovi Nadzornog odbora zajedno sa direktorom preduzeća su u izvještajnom periodu aktivno učestvovali na realizaciji postavljenih mjera i zadataka u Planu poslovanja za 2024. godinu.

Nadzorni odbor je i u 2024. godini podržavao opredjeljenje Uprave u rukovođenju preduzećem, na način kojem akumulacija dobiti nije prevashodno cilj, nego dugoročno i kvalitetno izvršavanje usluga, tj. zadovoljenje interesa građana, potrošača Grada Zenica, te širenje obima usluga, koje ovo preduzeće pruža.

U izvještajnom periodu Nadzorni odbor JP „ViK“ d.o.o. Zenica je razmatrao veliki broj pitanja iz svoje nadležnosti, te kao najznačajnije odluke i zaključke koje je donio, a tiču se poslovanja preduzeća, ističe sljedeće:

- Prijedlog odluke o izmjeni Statuta JP „ViK“ d.o.o. Zenica, broj:100-13304-1/24 AB od 05.01.2024. godine,
- Pravilnik o radu JP „ViK“ d.o.o. Zenica, broj:100-2600/24 od 04.03.2024. godine,
- Odluka o usvajanju Plana poslovanja JP „ViK“ d.o.o. Zenica za 2024.g., broj:100-2884/24 ŠS od 04.03.2024. godine,
- Prijedlog odluke o usvajanju Izvještaja o poslovanju JP „ViK“ d.o.o. Zenica za 2023.g., broj: 100-5353-1/24ŠS od 16.05.2024.g.
- Zaključak o prihvatanju Nezavisnog revizorskog mišljenja za 2023.g., broj:100-5151-1/24 ŠS od 16.05.2024.g.
- Zaključak o utvrđivanju teksta Izvještaja o radu Nadzornog odbora JP „ViK“ d.o.o. Zenica, broj:100-5408-1/24 ŠS od 16.05.2024.g.
- Mišljenje Nadzornog odbora u vezi sa Prijedlogom Uprave o rasporedu dobiti JP „ViK“ d.o.o. Zenica za 2022.g., broj:100-5743/24 ŠS od 16.05.2024.godine,

- Mišljenje Nadzornog odbora u vezi sa Prijedlogom Uprave o rasporedu dobiti JP „ViK“ d.o.o. Zenica za 2023.g., broj:100-5361-2/24 ŠS od 16.05.2024.g.
- Odluka o izmjenama Odluke o organizaciji i sistematizaciji radnih mjesta u JP „ViK“ d.o.o. Zenica, broj:100-5742/24 ŠS od 16.05.2024.g.
- Odluka o izmjenama Odluke o utvrđivanju osnovnih plaća, broj:100-5742-1/24 ŠS od 16.05.2024.g.
- Odluka o definisanju uslova i postupaka za otpis kamata za sve potrošače, broj:100-8042-1/24 od 17.07.2024.g.
- Odluka o dopuni Odluke o utvrđivanju cijena rada vozila i mašina, naknada za ranija ulaganja u infrastrukturu, naknada za obradu zahtjeva i ostalih usluga JP „ViK“ d.o.o. Zenica, broj:100-8288/24 od 17.07.2024.g.
- Zaključak u vezi dobiti za 2022. i 2023.g., broj:100-15064/24 od 25.12.2024.g.

B) OCJENA RADA DIREKTORA I OCJENA STANJA U PREDUZEĆU

Djelokrug rada, prava i odgovornosti direktora kao Uprave preduzeća utvrđen je Zakonom o javnim preduzećima, Zakonom o privrednim društvima i Statutom Javnog preduzeća „Vodovod i kanalizacija“ d.o.o. Zenica, dok je nadležnost Nadzornog odbora JP „ViK“ d.o.o. Zenica da nadzire rad Uprave, te odobrava odluke strateškog karaktera.

Nadzorni odbor ocjenu rada direktora najdirektnije veže za ostvarenje poslovnih rezultata preduzeća, koje se ogleda u sljedećem:

Na osnovu svega što je prikazano u Izvještaju o poslovanju JP „VIK“ d.o.o. Zenica, za izvještajni period 01.01.2024. – 31.12.2024. godine može se zaključiti sljedeće:

- Izuzetno toplo ljeto 2024. godine, s najvišim ikada zabilježenim temperaturama i veoma dugim periodima bez padavina, je uzrokovalo drastično smanjenje izdašnosti svih izvorišta pitke vode zbog čega su širom BiH bile uvedene redukcije vode. Mada su sušom bila pogođena i izvorišta sa kojih se vodom snabdijevaju potrošači u Zenici, JP „ViK“ d.o.o. Zenica je zahvaljujući svakodnevnom naporima svojih radnika i stručnog osoblja uspjelo održati stabilno i uredno vodosnabdijevanje za sve potrošače bez ijednog dana redukcije.
- Zahvaljujući ulaganjima u unapređenje sistema i kontinuiranom i stručnom radu evidentirani gubici vode u 2024. godini iznose 1.806.011 m³ odnosno 25,85% od ukupne količine zahvaćene vode, što je najbolji rezultat JP „ViK“ u historiji.
- U 2024. godini, JP „ViK“ d.o.o. Zenica je izvršilo priključenje cca 211 domaćinstava na vodovodni sistem, koji je izgrađen sredstvima osnivača, odnosno Grada Zenica i Preduzeća.
- Ukupni prihodi poslovanja iznose 11.517.394,12 KM i za 14,98% su veći nego u 2023. godini.
- Ukupni rashodi poslovanja iznose 10.716.889,25 KM i za 18,29% su veći nego u 2023. godini.
- Preduzeće je ostvarilo pozitivan finansijski rezultat tj. bruto dobit u iznosu 800.504,87 KM odnosno neto dobit u iznosu od 742.417,13 KM.
- Ukupni stepen naplate Preduzeća u 2024. godini iznosi 98,43%.
- Sumnjiva i sporna potraživanja Preduzeća su smanjena za 52.296,88 KM.
- Sve obaveze po pitanju plaćanja: koncesija, poreza, taksi, dobavljača, plaća, doprinosa, itd., preduzeće je izmirilo redovno i na vrijeme.
- Preduzeće je uredno servisiralo i otplatilo kreditne obaveze po razvojnim projektima u iznosu 993.497,79 KM.
- Na dan 31.12.2024. godine, Preduzeće je na transakcijskim računima, računu oročene štednje i internim blagajnama raspolagalo s gotovinom u iznosu 6.370.732,99 KM. Pored toga, Preduzeće je u momentu kreiranja finansijskih izvještaja u proceduri imalo opravdane zahtjeve za povrat PDV-a u iznosu 403.667,43 KM, što skupa s gore navedenom gotovinom na računima iznosi ukupno 6.774.400,42 KM.

- U 2024. godini došlo je do povećanja imovine Preduzeća u iznosu od 11.769.177,00KM. Na povećanje imovine najviše je uticala vrijednost investicija u toku odnosno vrijednost investicija u okviru Projekata „Sakupljanje i tretman otpadnih voda za grad Zenicu (WWTP)“.
- U toku 2024. godine, Preduzeće je izvršilo investicionih ulaganja u iznosu od 7.074.238,53KM. Od tog iznosa, JP „ViK“ d.o.o. Zenica je investiralo 1.657.835,67KM iz vlastitih sredstava, 5.159.194,03KM Grant KFW i SECO, 250.676,12KM iz donacija Grada Zenica, 4.552KM iz KFW kredita i 1.980,52KM vrijednosti doniranog materijala SECO granta.
- Na dan 31.12.2024. godine Preduzeće ima nezavršenih investicionih ulaganja odnosno investicija u toku koje će prenijeti u 2025. godinu u iznosu od 11.760.455,96KM čije se okončanje očekuje u narednom periodu. Isto će povećavati imovinu preduzeća, a posljedično i trošak amortizacije.

U posljednjih deset godina Zenica je doživjela nekoliko značajnih infrastrukturnih projekata i investicija koji su oblikovali razvoj grada i njegovu infrastrukturu. Neke od glavnih investicija i projekata u Zenici u posljednjem desetljeću uključuju između ostalog:

- Realizovani projekat Bosna II i ostale investicije koje su se odnosile na poboljšanje stanja gradskih vodovodnih instalacija. Uvažavajući značaj komunalne infrastrukture, te vrijednost održavanja imovine važno je napomenuti da će u budućem periodu za njeno održavanje trebati kontinuirano ulagati značajna sredstva.
- Aktivnosti na realizaciji projekta "Sakupljanje i tretman otpadnih voda grada Zenice", čime se rješava višedecenijski infrastrukturni problem grada. Projekat podrazumijeva izgradnju kolektorskog sistema za odvodnju sanitarno – fekalnih otpadnih voda iz područja grada Zenice sa okolinom. Odvodnju otpadnih voda predviđeno je riješiti izgradnjom jednog kanalizacionog sistema, sastavljenog od lijevoobalnih i desnoobalnih kolektora koji završavaju na postrojenju za prečišćavanje, lociranog na području MZ Banlozi.

Bitno je napomenuti da je Preduzeće uspješno izvršilo sve zadatke iz svoje nadležnosti tokom 2024. godine, koji se odnose na dosadašnju realizaciju navedenog projekta. Imajući u vidu širi značaj ovog projekta, njegov ekološki uticaj, te vrijednost investicije, Preduzeće očekuje u narednom periodu maksimalnu podršku od viših nivoa vlasti da bi se obezbijedila sredstva za potpuno finansiranje projekta unapređenja stanja kanalizacionog sistema grada Zenice.

Kako bi se osigurao čist okoliš i kvalitet života, kakav građani Zenice zaslužuju, funkcionalno vodosnabdijevanje, ekološki prihvatljiv tretman otpadnih voda i održivo poslovanje JP "ViK" Zenica su ključni, te će stoga i građani Zenice trebati dati svoj doprinos ostvarenju tih ciljeva.

Imajući u vidu sve što je navedeno u ovom Izvještaju, može se konstatovati da je poslovanje JP "ViK" doo Zenica u 2024. godini bilo veoma uspješno, te da je Preduzeće održalo likvidnost i solventnost.

Članovi Nadzornog odbora su jednoglasni u ocjeni da je sveukupno poslovanje preduzeća u 2024. godini veoma dobro. U 2024. godini Nadzorni odbor je svoju funkciju u pogledu upravljanja i nadzora nad radom Uprave obavio uspješno, što potvrđuje činjenica da je JP „ViK“ d.o.o. Zenica i u 2024. godini bez obzira na kompletnu ekonomsku situaciju u BiH poslovalo pozitivno.

Preduzeće je i ove godine, kao i prethodnih, uredno izvršilo svoju osnovnu funkciju, kvalitetno riješilo zadatke iz svoje nadležnosti koji se odnose na dosadašnju realizaciju velikih razvojnih projekata, uredno izmirilo sve obaveze, u svakom trenutku bilo likvidno, solventno i imalo pozitivan finansijski tok te na kraju 2024. godine ostvarilo neto dobit u iznosu od 742.417,13KM.

Broj:100-5095/25
Zenica, 28.04.2025. godine


**PREDSJEDNIK
NADZORNOG ODBORA**

Korlat Emir, dipl.ing.